



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 32. Pontifex Concilium Metense damnat.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

creto, quia forte talia commisit, quæ publice confiteri pudor vetat. Deinde in Ecclesia inter ceteros publice pœnitentes se accuset, quod vestem Monasticam abiecerit, Fidem sacrilege læserit, ad Paganos defecerit, atque propter hæc & omnia alia peccata, quæ secreto confessus fuerit, pœnitentiam sibi injungi petat. Publice ab Episcopo reconcilietur, Tonsuram, habitum Monasticum, & tandem S. Altaris Communionem recipiat. Tum leniter eum haberi oportet. Liberaliter custodiatur a Monachis & Canonicis, qui eum modum recte vivendi & plorandi peccata sua edoceant. Ea tamen adhibeatur custodia, ut in vitia, quæ deflevit, etiamsi vellet, relabi non possit.

§. XXXII.

Pontifex Concilium Metense damnat.

Rodoaldus & Joannes Legati, qui Concilio Metensi præfuerant, Romam reversi, Papæ retulerunt, Regem Lotharium Episcoporum Regni sui consilium fuisse amplexum, duosque illorum præcipuos Theutgandum & Guntharium propediem adfuturos, & omnia exacte exposituros. Verum Nicolaus Papa, qui Rodoaldo absente edoctus fuerat, quam temere Constantinopoli sua mandata neglexisset, Concilium, in quo eum condemnaret, convocavit. Rodoaldus pro-

Sæculum IX.
A.C. 864.

Opusc. 59.
p. 819. to. 2.
Duchesne.

Anast. in Nic.
p. 260.
Nic. ep. 7.
p. 289.

Ann. Bertin.
863.
Fuldens. eod.

Hist. Eccles. Tom. XII.

H

pria

Sæculum IX. priæ conscientiaë stimulis turbatus, & Zachariae Collegæ sui jam ante condemnati exemplo territus, derelicta Ecclesia sua, fuga nocturna in alias provincias se proripuit. Papa vero sententiam in absentem ferre distulit.

Conc. Rom. to. 8. Conc.

Inter hæc Theutgaudus & Guntharius Romam pervenientes Papæ Acta Concilii Metensis & Aquisgranensis tradunt. Jubet ea Pontifex publice recitari & Archiepiscopos interrogat, num animus esset, ea defendere. Respondent, se ea, quibus manu sua subscripsissent, ore neutiquam negaturos. Nihil amplius addidit Papa, & ad sua diversoria Archiepiscopos remisit; sed interjectis paucis diebus eos ad Concilium in Palatio Lateranensi jam congregatum vocavit. Illi eadem Acta offerunt, petuntque, ut iis Papa subscriberet, dicentes, nec plura nec pauciora a se gesta esse, quam in hoc Libello continerentur. Verum, cum Episcopi permulta in iis erubescenda inauditaque affirmari judicarent, Archiepiscopos ex propria eorum confessione condemnarunt.

Ann. Met. 865. Nic. ep. 58.

Pontifex hujus Concilii Decretum in articulos quinque divisum ad omnes Episcopos Galliaë, Italiaë & Germaniaë misit. In primo articulo Concilium Metis mensis Junii Indictione undecima, nempe anno octingentesimo sexagesimo tertio, celebrata

lebratum, irritum pronunciatur, atque Sæculum IX.
 Latrocinio Ephesino confertur. In se- A. C. 864.
 cundo declaratur, Theutgandum Archi-
 episcopum Trevirensis, Belgicæ Prima-
 tem, & Guntharium Archiepiscopum
 Coloniensem omni potestate Episcopali
 esse privatos, quod injustam sententiam
 in causa Regis Lotharii & duarum ux-
 orum ejus tulissent, & Judicium Sacræ Se-
 dis contra Ingeltrudem Bosonis uxorem, *Sup. §. 10.*
 secundum Libellum Taddonis Archiepi-
 scopi Mediolanensis, pronunciatum con-
 tempsissent. Ab omni actu Episcopali
 abstinere jubentur, addita comminatio-
 ne, si hoc præceptum violent, nunquam
 esse restituendos. Excommunicati sint,
 quicumque cum ipsis communicaverint. *c. 3.*
 Episcopi complices quoque depositi sint,
 relicta spe, eos restitui posse, si facti pœ-
 nitentiam profiteantur. Ingeltrudis Co-
 mitis Matthesfridi filia & Bosonis uxor, *c. 4.*
 quæ, marito ante annos circiter septem
 relicto, circumerrabat, secundo cum
 omnibus consociis & fautoribus anathe-
 matizatur, cunctisque prohibetur, ne
 cum ea communicent. Venia autem ei
 promittitur, si ad maritum redeat, aut
 Romam veniat, & absolutionem petat.
 Tandem anathema dicitur quibuscunque
 Sacræ Sedis Decreta, ad fidem vel Disci- *c. 5.*
 plinam pertinentia, spernentibus.

Sæculum IX. Hagano quoque Episcopus Bergomen-
 A. C. 864. sis depositus, quem Auctorem Libelli
 Concilio Romano ab Archiepiscopis Tre-
 virensi & Coloniensi oblato esse dice-
 bant. Item Joannes Archiepiscopus Ra-
 vennas, qui violata juramenti fide cum
 fratre suo Gregorio contra Sacræ Sedis
 auctoritatem & contra ipsum Pontificem
 conjuraverat. Sed hi Episcopi hujus
 Concilii Decretis non parentes actibus
 Episcopalis potestatis fungi non cessarunt.

§. XXXIII.

Guntharius Summo Pontifici refractarius.

Ann. Met. Sed nec Theutgaudus, nec Guntharius
 865. *Bertin.* imperata fecerunt. Quippe ad Im-
 864. peratorem Ludovicum, qui tunc tempo-
 ris Beneventi versabatur, profecti quere-
 las audacter moverunt; se contra factos
 fuisse depositos. Injuriam quoque Im-
 peratori inferri, quod pessime habiti fue-
 rint Regis fratris ejus Legati, quos ipse
 deduci jussisset, & qui tanto freti præ-
 sidio Romam ivissent. Hanc Archiepisco-
 pis factam contumeliam toti Ecclesiæ de-
 decori esse, atque rem inauditam, Me-
 tropolitanum sine consensu Principis, &
 aliis Metropolitanis non præsentibus, e-
 gradu suo dejici. (*) Multis præterea
 con-

(*) Dissimulant, anno superiore Photium in
 Concilio Romano depositum.